

Mittarfeqarfiiit

**2017-imi ukiumut naatsorsuutinut kuk-
kunersiuisut oqaaseqaataat**

Indholdsfortegnelse

	<u>Side</u>
1. Revision af årsregnskabet	314
1.1 Årsregnskabet	314
1.2 Risikovurdering og revisionsstrategi	314
1.3 Revision af forretningsgange og interne kontroller	315
1.3.1 Generelle it-kontroller	315
1.3.2 Drøftelser med direktionen om risikoen for besvigelser	315
1.3.3 Fuldmagtsforhold	316
1.4 Forhold af væsentlig betydning for vurdering af årsregnskabet	316
1.4.1 Forretningsgange og interne kontroller	316
1.4.2 Indtægter vedr. ETOPS-åbninger	317
1.4.3 Miljømæssige forpligtelser vedr. retablering	318
1.4.4 Værdiansættelse af anlægsaktiver	318
2. Kommentarer til årsregnskabet	319
2.1 Resultatopgørelsen	320
2.2 Balancen	322
3. Øvrige oplysninger	326
3.1 Ledelsens regnskabserklæring og ikke-korrigerede fejl i årsregnskabet	326
3.2 Overholdelse af bogføringsloven	326
3.3 Rådgivnings- og assistanceopgaver	326
4. Konklusion på den udførte revision	327
4.1 Konklusion på den udførte revision	327
5. Revisionens formål og omfang samt ansvarsfordeling	327

2017-imikukkunersiuutit naatsorsuutit oqaaseqaataat

1. Ukiumut naatsorsuutit kukkunersiorneqarnerat

1.1 Ukiumut naatsorsuutit

Mittarfeqarfinni ukiumut 2016-imut naatsorsuutit aqutsisunit saqqummiiunneqartut kukkunersiornerat naammassivarput. Ukiumut naatsorsuutit ima inerneqarput:

	2017 t.kr.	2016 t.kr.
Angusat	(37.732)	(22.069)
Pigisat nalillit	1.508.060	1.493.058
Nammineq aningasaatit	1.373.481	1.417.676

1.2 Aarlerinaatit nalilernerat kukkunersiuinermilu periuseq

Kukkunersiuneq ingerlanneqarpoq uagut nammineq kukkunersiuinermik periuseq suliarisimasarput malillugu. Kukkunersiuinermik periutsip qulakkiissavaa niuernikkut allaffissornikkullu ingerlatat ajunaarutaasinjaasut ukiumut naatsorsuutinut sunniuteqarsinnaasut misissoqqissaarnissaat.

Suliffeqarfiup aqutsisuinik oqaloqateqartarnerput aamma suliffeqarfiup suliaanik sammisaannillu ilisimasaqarnerput aallaavigalugit, 2017-imikukkunersiuinermik pilersarusiorntsinni ingerlatsinitsinnilu naatsorsuutini kukkunernik malunnaatilinnik pilersitsisinnaasut aarlerinaatit tulliuttut maluginarpavut:

- Sanaartukkatigut ingerlatanik naliliineq, tassunga ilanngullugu nalikilliliinissamut pisariaqartitsinerup nalilersorneqarnera
- Ilaasunut mittarfeqarnermullu akitsuutit katersornerat akiligassiissutiginerallu

Taakkutaaq aallaavigalugit naatsorsuutini immikkoortut suliassaqarfiillu makku kukkunersiuinermi sukumiisumik sammineqarput:

- Pigisat tigussaasut
- Nioqqutissat uninngasuutigineqartut
- Tuniniaanermi pissat
- Akissarsianut akissaasersuutinullu aningaasartuutit
- Pilersuisunut akiitsut

Sammisani allani ukiumut naatsorsuutini kukkusqarsinnaanera nalinginnaasutut nalilerneqarpoq taamaattumik kukkunersiuneq annikinnerusimalluni.

1.3 Suleriaatsinik suliffeqarfimmilu nakkutilleeriaatsinik kukkunersiuineq

Kukkunersiuinermi ingerlatsivimmi nalunaarsueriaatsit, suleriaatsit suliffeqarfimmilu nakkutilleeriaatsit isumannaatsumik ingerlanneqarnerat aamma nalilerneqarput. Taassuma siunertaraa, ukiumut naatsorsuutinik saqqummiussinermi tunngaviit eqqortuunerat, uppernassuseqarnerat aamma piffissaq eqqorlugu naatsorsuuserinermik ingerlatsisoqartarnera qulakkeerneqarnera.

Suleriaatsit nakkutilleeriaatsillu suliffeqarfimmi atorneqartut iluanni immikkut aarlerinaataasinnaasut makkuusut nalilerpavut:

- Aningaasat tigoriaannaat
- Akissarsiat akissaatersuutillu allaffisornermi suliarineqarnerat
- Akiligassiineq aamma akiitsulinnut malitseqartitsineq
- Aningaasartuutinik naatsorsuuserineq aamma pilersuisunut akiitsut naligiissinnerat
- Sanaartornermut aningaasaliinerit Namminersorlutik Oqartussat sanaartugassanut aningaasalis-sutaannit taperneqartut

1.3.1 IT-mik nakkutilliissutit nalinginnaasut

Kukkunersiuinermut atatillugu ingerlatsivimmi it-mik nakkutilliissutit nalinginnaasut misissorpavut.

IT-mik nakkutilliissutit nalinginnaasut tassaapput, ingerlatsivimmi it-mik atortuni pingarnerni nakkutilliinerit aqutsisunit pilersinneqarsimasut, it-mik atuineq nakkutigilluakkamik aamma isumannaatsumik ingerlasinnaanera siunertaralugu, aamma taamaaliornikkut it-mik tunngaveqarlni niuernikkut ingerlatseriaatsini paassisutissanik passussineq uppernassusilik tapersorsoneqarsinnaaqqullugu.

ERP-mik aaqqissuussamik nutaamik atulersitsinerup nassatarisaanik 2017-imik nakkutilliinerit pilersaarusiioriikkat atorneqannginnissaat toqqarneqarsimavoq.

IT-mik nakkutilliissutit nalinginnaasut 2018-imik ukiumut naatsorsuutit kukkunersiorneqarnerannut atasumik nakkutilliiffigineqarput.

1.3.2 Peqquserluttoqarsinnaanera pillugu qullersaqarfimmik oqaloqateqarneq

Kukkunersiuinermik pilersaarusiornitsinnut atatillugu ingerlatsivimmi qullersaqarfik peqquserluttoqarsinnaanera pillugu apeqquteqarfigaarpot.

Qullersaqarfip ilisimatippaatigut namminneq naliliinertik naapertorlugu peqquserluttoqarsimasinnaanera qularnartoq ingerlatsivik pitsaasumik nakkutilleeriaaseqarmat, ukiumut

naatsorsuutit kukkunernik malunnaatilinnik imaqarsinnaanerannik pinngitsoortitsisunik, taassumalu iluani naatsor-suinermi uukapaatitsiniarluni suliffeqarfiallu pigisaannik atornerluiniarluni kukkusumik paasissutis-siinerup pinngitsoornissaamik qulakkeerisoqartartoq.

Qullersaqarfik aamma nalunaarpoq peqquserlunniarnernik ilisimasaqaratik imaluunniit peqquserlussimasinnaasunik maannakkut misissuinernik ingerlatsisoqanngitsoq. Kukkunersiuinitssini peqquserlunniarnerup kingunerisinnaasaanik naatsorsuutini kukkunernik nassaarsimannginnerput nalunaarutigaarput.

1.3.3 Piginnaassusiligaanermut tunngasut

Aningaasat tigoriaannaat kukkunersiorneqarnerannut atatillugu, ingerlatsiviup aningaaserivimmi attaveqarfisaani paasissutissaatai pissarsiavagut. 2016-imi kukkunersiuinitssini paasivarput ingerlatsivimmi siornatigut sulisusimasut marluk, ingerlatsiviup aningaaseriviani piginnaassusiligaanermut suli allagartaqartut.

Tamanna 2017-imi aaqqiiffigineqarpoq aamma suliffeqarfimmi piginnaassusiligaanermut allagartallit pilligit maanna oqaaseqaateqarnissaq pissutissaqanngilaq.

1.4 Ukiimoortumik naatsorsuutinik naliliinermi pissutsit pingaarutillit

Kukkunersiuinermi pissutsit pingaarutillit nalilerneranni qullersaqarfip ukiumut nalunaarummik naliliinerannut taasassaqarpoq.

1.4.1 Suleriaatsit aamma namminerisamik nakkutilliinerit

Suleriaatsit aamma namminerisamik nakkutilliinerit ilaatigut siunertaraat, kukkunerit amigaatillu piaarinaatsoornikkut piaaraluniluunniit iliuuserisat pinngitsoortinnissaannut qulakkeerinninnissaq, ilaatigut sulisut tapersorsorumallugit – taakkununnga minnerunngitsumik sulisut nutaat ilanngullugit – allaffisornermik suliassanik ingerlatsineranni.

2016-imi innersuussutigaarput ERP-mik aaqqissuussamik nutaamik atulersitsinermut atatillugu nakkutilliinerit pisariaqtut pilersinneqarnissaat pingartinneqartariaqartoq, soorlu nakkutilliinermut illorsorneqarsinnaasumut tapertaasussanik pisinnaassutsimik aamma piginnaasanik pisariaqtunuk pissarsiniarnissaq pingartinneqaqquullugu.

Tassunga atatillugu allaffisornermi ingerlatseriaatsit aamma nammineq nakkutilliinermik ingerlatseriaatsit arlalippasuit allaaserisatut suliarineqarsimapput.

Taamaattoq kukkunersiuinermi paasivarput, nakkutilliinerit tamakkua arlalippasuit ingerlanneqarsimanngitsut – imaluunniit naammaginartumik pitsaassusilimmik

ingerlanneqarsimanngitsut – ukiup ingerlanerani aamma ukiup suliffiusup naammassineqarneranut atatillugu.

Tamatuma saniatigut paasinarpoq, nakkutilliinermik ingerlatsinerup nakkutigineqarnera naammavissimanngitsoq.

Naatsorsuutinik suliaqarnermi atugassat pitsaassusiannik ingerlaavartumik qulakkeerinninnerup amigaataanerata kingunera, suliffeqarfimmi annermik sulisariaqarneq, nakkutilliilluni suliassat ilarparujussui piffissamut sivisunermut attuumassuteqarmata, ukiup ingerlanerani ingerlaavartumik nakkutilliinermik suliaqartarnikkut pinngitsoorneqarsinnaasunik.

Aamma isumaqarpoq uagut kukkunersiuinermik ingerlatsinerput misileraalluni misissuinernik tunngaveqartissinnaanngikkippuit, kisianni inissitsitikkat ataasiakkaat misileraaffigalugit ingerlatsisariaqarluta, sulinermik ilungersunarnerusumik kinguneqartumik.

Ukiumut naalunaarusiamut atatillugu naammattumik uppernarsaatissaannik pissarsiniarneq pitsaassutsimillu qulakkeerinninneq immikkut ittumik suliniarnermik kinguneqarpoq. 2016-imut sanilliullugu kukkunersiuineq pitsaanerusumik sivikinnerusumillu aamma ingerlanneqarsinnaasimagaluarpoq.

1.4.2 ETOPS-inik ammaanernut atatillugu isertitat

Isumannaallisaanermik piumasaqaat pissutigalugu timmisartuutileqatigiiffiit marlunnik motoorilinnik ingerlatsisut timmisartuussinerminnut atatillugu ajornartoornermi mittarfimmik nalunaaruteqartussaatitaapput. Mittarfeqarfiiit ammasarfiiit nalinginnaasut avataatigut ajornartoornermi mittarfittut nalunaarutigineqartillugu timmisartuutileqatigiiffik ammaaneq pillugu akiligassinneqarsinnaavoq. Siornatigut timmisartuutileqatigiiffiit akiligassamik apeqquteqaataannik aatsaat pissarsisoqartillugu akiligassiisoqartarpooq, paassisutissanik pissarsisinnaannginneq pissutigalugu, taamaattumillu ukiut siuliini akeqanngitsumik sullitat kisitsisaatigineqarsimagatik.

Juuni 2014 Mittarfeqarfiiit Globalog peqataaffiigilerpaa. Globalog, timmisartuutileqatigiiffiit angallannermut pilersaarutaat pillugit paassisutissanik katersinermik immikkut piginnaanngorsarsimavoq, taakkununnga ilanngullugit ajornartoornermi mittarfinnik atuineq. ETOPS-ammaaneq pillugu akitsuutit, Globalogip Mittarfeqarfiiit sinnerlugit timmisartuutileqatigiiffinnut akileeqqusissutit ingerlatsineranik suliaqarpoq.

Nunat tamalaat akornanni timmisartortitsinermik suliassaqarfimmi kattuffissuaq, IATA, ilaasortaminut allagaqaasiorsimavoq Mittarfeqarfiiit akileeqqusissutinik nassiusisarnerannik qulalersitsiniaasumik. Aqutsisut Trafikstyrelsemik oqaloqateqarsimapput, sammisami Mittarfeqarfik taperserneqarluni isumannaallisaanermi piumasaatit timmisartuutileqatigiiffinnit pisussaaffigineqartut pineqarmata, aqutsisut naliliipput akiligassiisarneq naapertuuttuusoq.

Isumaqtiginniarerit 2017-imni ingerlaqqippu – aamma pineqartoq pillugu suli aalajangiussamik isumaqtigitoqanngilaq.

Globaligip ETOPS-ammaaneq pillugu akitsuutinik akileeqqusissutai pillugit aqutsisunit mianersor-tumik pissat naatsorsorneqarsimapput. Akiitsullit suli akiliisimanngitsut akiliinissaminnilluunniit nalunaaruteqarsimanngitsut akiligassaat 100 %-imik annaasaqaataassussatut inissinneqassasut aallaavi-gineqarput.

Tassannga naatsorsuuserinermik suliaq isumaqtigaarpuit aamma annaasaqaatitut illuartitsinermik naliliinerup tunuliaqtut eqqarsarluarnermik tunngaveqartutut isigaavut, annaasanik matussusiil-luarsinnaasutut.

1.4.3 Avatangiisinut pisussaaffit nunaminertat pissusitoqaannut uterteqqinnerannut tunngasut

Sumiiffinni assigiinngitsuni Mittarfeqarfitt sulianik ingerlatsippu tamaani illuutit sanaartukkallu siunissami matuneqavissinnaallutik Namminersorlutik Oqartussanit taamannak aalajangiif-figineqarsimappata. Kalaallit Nunaanni nunaminertanik atuisinnaanermut inatsit naapertorlugu, nunaminertanik atuisut qimatsinermanni sumiiffik qimatartik salissimassavaat nunaminertarlu pissusitoqaannut uterteqqinneqassalluni. Mittarfeqarfitt angusat aallaavigalugit ingerlatsivittut Namminersorlutik Oqartussat ataanni inisisimammat, aqutsisut naliliinerat naapertorlugu piginnittussaataitaasut tassaapput Namminersorlutik Oqartussat, taamaattumillu tassunga pisussaaffik Mittarfeqarfimmigani.

Tamanna tunuliaqtalarugu Mittarfeqarfitt ukiumut naatsorsuutaani pisussaaffit naatsorsorneqanngillat imaluunniit ilisimatisssutigineqanngillat. Pingaarteqarpoq tamanna maluginiassallugu, suliffeqarfipi sanaartukkatigut pigisaasa nalingannik naliliinermi, tassunga soorunami ilanggullugit mittarfitt nalingannik il.il. inissiineq.

1.4.4 Sanaartukkatut pigisat nalingannik inissiineq

Mittarfeqarfitt ulluinnarni sulinermi akiligassanik tunngaveqarluni naatsorsuuserinermi periuseqarpoq, kisianni ukiumoortumik naatsorsuutit saqqummiunneqartarput aningaasartuutinik tunngaveqarluni naatsorsuuserinermik periuseqarluni. Periutsit taakkua assigiinngissutaat pingaardeq sanaartukkatigut aningaasaliissutinik passussinermut tunngassuteqarpoq, akiligassat aallaavigalugit naatsorsuuserinermi piffissaq pissarsiffiusoq akiligassatut nalunaarsorneqartarluni, aningaasartuutilli aallaavigalugit naatsorsuuserinermi sanaartukkatigut aningaasaliissutit naatsorsuutinik aallartitsisarlutik, pigisallu ataasiakkaat aserfallakkiautnerat ilutigalugu nalikilliliivigineqariartulersarlutik.

Mittarfeqarfiiit ingerlatsinermini akigitianut politikki atukkani naapertorlugu, sanaartukkatigut pigisani ernialersinnaanngilai aamma nalikillisinnaanngilai. Tamanna isumaqarpiarloq pisigat nalingi - ingerlatsivimmit immikkoortikkaanni – qaffasippallaamik naleqartinneqartut.

Taamaattoq Mittarfeqarfiiit Namminersorlutik Oqartussat inatsisaata ilaanniinnera pissutigalugu, Mittarfeqarfiiup pigisaasa ilai akileraarutinit akilersugaapput – soorlu nutaatut aamma aningaasaliiffigineqaqqittut aningaasaleeriaaseq taanna malillugu pissarsiarineqartartut.

Namminersorlutik Oqartussat suliffeqarfiaasa namminersortitat naatsorsuuseriveqarnerat pillugu nalunaarut naapertorlugu, sanaartukkatigut pigisanik nalikilliliinerit ingerlanneqassapput, nalikilliliineq qaangiutilertortuunngippat.

Ulloq naatsorsuuseriffik nalikilliliinissamik pisariaqartitsineq taanna, aqutsisunit naliliiffigineqarsimangilaq, ilanngullugu nunap naqqanik allanngortoqarneranut tunngasuni (nunami qeruaannartumi allannguutit) aamma/imaluunniit timmisartoqarfiiit allanngornerisa kingunerinik.

Taamaattumik uagut aalajangerpugut, ukiumut naatsorsuutini kukkunersiuusutut makkuninnga oqaase-qaaqeassalluta:

"Sanaartukkatigut pigisanik naliliinermi aamma taakkuninnga nalikilliliinerit ingerlanneqarput una siunertaralugu, ingerlatsiviup nukissanik atuineranik ersersitsiniaanermut takussutissatut, sanaartukkatigut pigisat ernialerneqarsinnaanerannut aamma nalikilliliiffigineqarsinnaanerannut periarfissat eqqarsaatiginagit, Aningaasanut inatsit aqqutigalugu aningaasaliissutissat pissarsiarineqartarnerat pissutigalugu.

Namminersornerullutik Oqartussat suliffeqarfiaasa namminersortitatut ingerlasut pillugit nalunaarut naapertorlugu, sanaartukkatigut pigisat nalikillilerneqartassapput pigisap nalinga aallaavigalugu, sanaartukkatigut pigisaq akimigut nalikillippat – aamma nalikilliliineq qaangiutilertortuunngippat.

Ulloq 31.12.2017, aqutsisut naatsorsuutini nalillit inissitsiterneqarsimasut nalikillisariaqarnerannik pisariaqartitsinermut tunngavissanik uppermarsaatisaqarsimangillat, nunap allanngornerata kinguneranik mittarfiit akornuserneqarsimannerinut tunngassuteqartuni - imaluunniit Kalaallit Nunaanni mittarfeqarfinnik allanngortiterinissamik pilersaarusiortoqarnerata kingunerinik.

Taamaattumik sanaartukkatigut pigisat, soorlu Kangerlussuarmi mittarfiit, inissiivissat il.il. katillugit 290 mio.kr.-inik nalilernerat uagut nangaassuteqarpugut."

2. Ukiunoortumik naatsorsuutit pillugit oqaaseqaatit

Immikkoortup imarai naatsorsuutini inissitsitikkanik ataasiakkaanik nakkutilliinitsinnit paasisavut. Naatsorsuutini inissitsikkat taaku immikkoortumi matumani ilaanngitsut kukkunersiuusutut oqaaseqaasiornissamut tunngavissiisimannngillat.

2.1 Angusat nalunaarsornerat

Kaaviiartitat aamma nioqquissanik atuineq

Kaaviiartitat nioqquissanillu atuinerup eqqortumik piffissalersorneqarnerat nakkutilliivigiumallugu misissugassanik tigusisarluni misissuiffigineqartarpuit. Kaaviiartitat isumaqtigiissutinik tunngavillit isumaqtigiissummi tunngavik naapertorlugu ingerlanneqarnerat misiliutinik tigusisarluni nakkutilliivigineqarput.

Ilanngullugu ukiunut siusinnerusunut sanilliussilluni ineriarnerermik missingersuutillu misissoqqissaarnerannik ingerlatsinermik suliat pissarsiariniarsimavagut, taassuma iluani matussusiisinaassutsimik misiliut.

Hotelinit isertitanik kukkunersiuinitsinni maluginiarparput, kaaviiartitat, nioqquissat atukkat aamma Narsarsuarmi Kangerlussuarmilu ineqqat atorneqartut pillugit nakkutilliinernik amerlasuunik ingerlatsisoqartartoq, taakkiali upternarsaaserneqarneq ajorput, tamanna uagut naammaginngilarput. Taamaattumik siunissami nakkutilliinerit upternarsaaserneqartarnissaat innersuussutigaarput.

Ilanngullugu innersuussutigiumavarput, hotelimi allaffissornermik aaqqissuussineq atorneqartoq Picasso aamma finansip akornanni qaamatikkuutaartumik naleqqatigiissaarisoqartassasoq.

Kaaviiartitat aamma nioqquissat atukkat, ikummatissamik tunisamut tunngassuteqartup kukkunersorneqartarnerat ukiut siuliini matussusiisinaassutsimik paasinianerertut ingerlanneqartapoq. Ukioq manna aqutsisut matussusiisinaassutsip ataqatigiinnera pillugu nassuaasinnaasimannngillat, taassuma paarlattuanik ikummatissamik kaaviiartitsineq kukkunersiorsimavarput – aamma nioqquissat atukkat. Suliaq taanna oqaaseqaateqarnissamut tunngaviissiinngilaq, kisianni siunissamut innersuussutigissavarput ingerlaavartumik nakkutilliinermik ingerlatsisoqartaqqullugu, kukkuniusinnaasut suussusersiniarlugit.

Taassuma saniatigut kukkunersiuineq oqaaseqaasiornissamut tunngavissiinngilaq.

Sulisoqarnermut aningaasartuutit

Ukiup ingerlanerani akissarsisitsisarnermi suleriaatsit misissuiffigisarsimavagut soorlu aamma ukiumut naatsorsuutinik saqqummiussinermut atatillugu, naatsorsuuserinermit, akissarsialerinermi suleriaatsinik Akileraartarnermullu Qullersaqarfimmuit nalunaarusiaasartut akornanni

oqimaaqatigiissitserit pillugit paasissutissanik aallersimavugut, aamma akissarsiat allagartaat, atorfiit pillugit isumaqatigiissutit aamma akissarsiassat pillugit isumaqatigiissutit aallaavigalugit akissarsiat tunniunneqartut misissuiffigisimagivut.

Aningaasaqarnermut aqtsissut, akissarsialerineq aamma nalunaaruteqartarnermut aqtsissut Sulinal akornanni ingerlaavartumik naleqqatigiissinneqarnerannik suliaqartoqarsimanngilaq. 2017-imi ukiup naaneranut atatillugu naatsorsuuserinermi naleqqatigiissitsinermi aqutsisunut ikuuppuugut. Suliami tassani nikingassut 789 t.kr.-inik annertussusilik paasivarput, akissarsiatut akiitsut naatsorsuuserinermik ingerlatsiffiusimasut aamma akissarsialerinermermi akiitsutut nalunaarsorneqarsimasut akornanniittut aamma kingorna Sulinalimut akilerneqarsimasut. Taamaattumik taanna kukkunertut aaqqinnejarsimannngitsutut nalunaarsukkani ilanngunneqarpoq. Aaqqissuussinermit toqqaannartumik Sulinalimut aningaasat akiitsorineqartut pillugit nalunaarsukkat aqutsisunit saqqummiunneqarsinnaasimanngillat. Paarlattuanik akissarsiat naligiisinneqarnerat 2018-imi akiliutigineqartut tunuliaqtalaralugit ingerlanneqarpoq. Ulloq 31. decemberi 2017 akiitsutut saqqummiunneqartut saqqummiunneqartut akuersarpagut, taakkua kingorna tassaarpiartut akilerneqartut, malugeqqussavarpulli kingorna taakkua allannguuteqarsinnaanerat. Nalilinngilarput allannguutaasinnaasut taakku kukkunernik malunnaatilinnik kinguneqarsinnaanerat.

Aqutsisut isumaqatigiissuteqarfigineqarput aningaasaqarnermut aqtsissut, akissarsialerineq aamma nalunaaruteqartarnermut aqtsissutip Sulinal akornanni naligiissitsilluni suliaqarnermermi ikuuttarnissarput – aamma 2018-ip ingerlanerani suliassaq kingumut Mittarfeqarfintti sulisunut uterteqqinnejassasoq.

Misissuinitssini paasivarput Mittarfeqarfintti sulisut amerlajaat nammineq isumaqatigiissuteqarfigalugit atorfeqartinnejartut, tamanna namminersorlutik oqartussat suliffeqarfiutaanni namminersortitani isumaqatigiissut naapertorlugu inerteqqutaavoq. Ilisimatinnejarpugut Mittarfeqarfiiit aamma ASA akornanni isumaqatigiissummik peqartoqartoq, taamaattumik Mittarfeqarfiiit sulisunik qassiinik nammi-neq isumaqatigiissuteqarfigalugit atorfeqartinnejarsinnaanerat inerteqqutaanngitsoq. Taamaattoq Mittarfeqarfimmit isumaqatigiissut taanna uagutsinnut saqqummiunneqarsinnaasimanngilaq.

Aqutsisunit suliaq aallartinneqarpoq, sulisut nammineq isumaqatigiissutaannit sulinermik isumaqatigiissummut nuunneqarnissaannut tunngasoq, taamaaliornikkut Mittarfeqarfiiit namminersorlutik oqartussat suliffeqarfiutaanni namminersortitani atorfeqarnermut piumasaqaatinik naammassis-nissinnaaqqullugit.

Suliaq taanna 2017-imi nanginnejassaaq, kisianni suli naammassineqavinngilaq.

Sulisoqarnermut aningasartuutit qulaani taaneqartut kukkunersorneqarnerat aamma nakkutiliinernik piareersakkanik ingerlatsiuarnissaq amigaataasoq eqqaassanngikkaanni, soorlu immikkoortumi 1.4.1 allaaserigipput, immikkoortoq oqaaseqaammik saqqummiussinissamut pissutissiinngilaq.

Angusat nalunaarsorneranni nalunaarsorneqartut allat

Angusat nalunaarsorneranni ilanngussanit (bilag) misiliutinik tigusisarluta kukkunersornermik ingerlatsivugut soorlu naatsorsuutit inaarfissaasa kingorna ilanngussat (bilag) misissorsimagivut. Taamatuttaaq ilaatigut angusat nalunaarsorneri ukiumi siuliani nalunaarsukkanut missingersummullu assersuussimallutigit.

Tassunga oqaaseqaammik saqqummiussinissaq pissutissiinngilaq.

2.2 Oqimaaqqatigiissitsineq

2.2.1. Sanaartukkat tigussaanngitsut

Namminersornerullutik Oqartussat suliffeqarfiutaasa namminersortitat naatsorsuuseriveqarnerat il.il. pillugu Namminersornerullutik Oqartussat nalunaarutaat nr. 25, 26. november 1998-imeersoq § 10 naapertorlugu, namminersorlutik oqartussat suliffeqarfiutaasa namminersortitat sanaartukkat tigussaanngitsut soorlu softwarenun il.il. aningasaliinerit aningasaliissutit atuutsissinnaanngilaat.

Taamaattoq ASA-mit akuersissut aallaavigalugu namminersorlutik oqartussat suliffeqarfiutaanni namminersortitani ileqqunngoriartuaarsimavoq pigisat taamaattut naatsorsuutinut ilanngunneqartalernerat.

Aningasaqarnermut aaqqissuussaq nutaaq 5,5 mio.kr.-it atorlugit aningasaliiffigineqarpoq, taassuma atulersinneqarnissaa aamma nalikillineqarnissaa toqgarneqarpoq.

2.2.2. Sanaartornermi atortuutit pigisat

Namminersorlutik oqartussat suliffeqarfiutaannut natsorsuuserisarneq pillugu nalunaarut naapertorlugu, sanaartornermi atortuutit pigisat nalillit nalilerneranni, tunngavissat allassimasut naapertoqqissaarlugit ingerlatsiviup naatsorsuutaasa oqimaaqqatigiissinnejnarneranni taakkua ilanngunneqassapput.

Erseqqissaatigineqassaaq Mittarfeqarfiup sanaartornermi atortuutit nalillit pigisai ulluinnarni naatsorsuuserinermi ingerlaavartumik ilanngunneqanngimmata – taamaattumillu ukiumut naatsorsuutinik saqqummiussinermut atatillugu ingerlatsinermi, oqimaaqqatigiissitsinermi aamma nammineq pigisani nalunaarsugassartaat kingullinngortut kisiisa ilanngunneqartarlutik.

Deloitte, suliffeqarfiup sanaartornermi pigisai nalillit nalunaarsuganngorlugit allattugaataalernerannut ikiussimavoq.

Naatsorsuutigineqarpoq suliassaq taanna Mittarfeqarfiit 2018-imi tigussagaat.

Peqataaneq

Mittarfiit aamma uninngasarfiit saniatigut, pigisat nalunaarsukkatut katersaniittut ataasiakkaat suussusersiuminaapput – paarlattuanik pigisatut nalunaarsukkat aallaavigalugit pigisat piusut ataasiakkaat suussusersiuminarpuit.

Innersuussutigissavarput ingerlatseqatigiiffimmit pigisat ataasiakkaat suli pigineqarnerannik sumiiffiinillu immikkut ittumik nakkutilliissasut – tassunga ilanngullugu nakkutilliffigalugu pigisat allattorsimaffiata kiisalu pigisat tigussaasut akornanni taakkorpiaat imminnut assingunerat - taamaaliornikkut qulakteerneqarsinnaaqqullugu paasissutissat pigisat pillugit allattorsimaffimmi nutaami eqqortuunerat.

Pissarsiat- aamma piginunnaakkat

Kukkunersiuinermut atatillugu pigisat pissarsiat piginunnaakkaallu akornanni upernarsaatissat misissorpavut, naliliivugut ingerlatsiviup ingerlatsinermut siunertaqtumik nutaanik pissarsisarnera atuutsitsilernera/nalikilliliinera naatsorsuuserineq pillugu nalunaarummi maleruaqqusat naapertorlugit ingerlanneqartoq.

Uppernarsaanermik pitsaanerusumik eqqarsaatersortoqartariaqarpoq, pigisat aserfallatsaalineqarnerat pineqarnersoq – taakkua ingerlatsinermi naatsorsuusiorneqassagamik – imaluunniit pitsanngorsaanerit pineqarnersut, taakkua atuutsinneqalissagamik.

Ukiumut 15 mio.kr.-it tikillugit nutaamik aningaasaliinerit aamma aningaasaleeqqinnerit aningaasalersorneqarsinnaapput ingerlatsiviup ingerlatsinermi kaaviiartitai (akigitianik akiliisitsineq) aqqutigalugit, taakkuali aallaavittut qaangerlugit aningaasaliinerit naalakersuisut aningaasanik inatsisissaanni sanaartornermut atugassiissutigineqartartut atorlugit pissariarineqartarlutik.

Ukumi 18,4 mio.kr.-it nalingannut nutaanik pissarsisoqarsimavoq, taakkua 2017-imi naatsorsuutini sanaartornermi aningaasaliissutinut ilanngunneqarput.

Sanaartornermi aningaasaliissutit

2017-imi sanaartornermi aningaasaliissutit katillugit 85 t.kr.-iupput, taakkua Aningaasanut Inatsit aqqutigalugu aningaasaliiffigineqarlutik.

Aningaaasanut Inatsit aqqutigalugu sanaartorermut aningaaasaliissutit atorlugit akiligassanut akiliutit uppernarsaataat misissugassanik tigusisarluta nakkutilliffigisarpavut.

2017-imi sanaartorermut naatsorsuutinik saqqummiussisoqanngilaq.

Nalimik aalajangiineq

Erseqqissaatigineqassaaq Mittarfeqarfitt ukiumut naatsorsuutinik saqqummiussineranut atatillugu, naatsorsuuserinermik periutsimik allaaserisaq naapertorlugu mittarfiit ataasiakkaat naqqi nalikilliliiffingineqarneq ajormata.

Innersuussutigissavarputtaaq allaaserisaq 1.4.4 takoqqullugu.

Vedligeholdelsesmæssigt efterslæb

Ingerlatsivimmit aserfallatsaliinermi kinguaattoorutit 1.040,4 mio.kr.-it missaannittut naatsorsorsimavaat. Illeqqorissaarneq naapertorlugu erseqqissaatigineqassaaq, aserfallatsaliinermik kinguaattoorummik naatsorsuineq tunngaviatigut ukiuni ataasiakkaani nalikilliliinerit aamma aningaaasaleeqinnerit assigiinngissutaannik aallaaveqarmata. Taamaattumik kinguaattoorutit taggissaq taamaaqqissaartuunngimmat soorlu ingerlatsiviup sanaartorermi atortuutinik pigisaannut akit ineriarornerat naatsorsunneqarsimanngitsut.

Naatsorsuutit pillugit maleruaqqusaq nutaaq

Ulloq 1. januar 2018, namminersorlutik oqartussat suliffeqarfitaannut namminersortitanut naatsorsuutit pillugit maleruaqqusaq nutaaq atuutilerpoq.

Mittarfeqarfitt aatsaat periutsinut nutaanut ulloq 01.01.2019 ikaarsaariarnissamut periarfissaqarpoq, kisiami oqaatigalugu, periutsinut nutaanut 01.01.2018 allangortitsinissaq kissaatigineqartoq, nukissat pigineqartut atorlugit taamaaliornissamut periarfissaqassappat.

Naatsorsuutit pillugit maleruaqqusap nutaap kinguneranik Mittarfeqarfitt siunissami ukiumut naatsorsuutinik periutsit taakkua atorlugit saqqummiussisinnaalissaq, suliffeqarfitt namminersortut ukiumut naatsorsuutinik saqqummiussisarnerannut inatsit atuuttoq naapertorlugu.

Pigisat sanaartukkat ullumikkutut pisarineranni akit ilanngunneqassaaq piffissap ingerlanerani nalikilliertuaernerat ilanngaatigalugit – taamaattoq nalip qaffasinnerpaap assigissavaa ilanngaatissat ilanngaatigereerlugit pigisat nalingat piviusunngortinneqarsinnaasoq (ilanngaatissat ilanngaatigereerlugit piffissami aalajangersimasumi nalimik aalajangersimasumik inissiineq).

Allatut oqaatigalugu, ilanngaatissat ilanngaatigereerlugit isertitassat nalikilliliinernut matussusiisinnaanngippata, taava pigisat nalingat nalikillilerneqassapput, taamaaliornikkut nalikilliliinerit ingerlaavartut sinneruttut ilanngaatissat ilanngaatigereerlugit isertitassat iluanissinnaaqquullugit.

Manna takillugu Mittarfeqarfuit nalikilliliisarnerat suliffeqarfuiup isertitaasa iluanni matussuserneqarsinnaasanngillat, taamaattumik naatsorsuuserinermi periutsip nutaap nassatarisaanik qularnanngitsumik nalikilliliinernik pisariaqartitsinermik nassataqassaaq.

Suliffeqarfuiup qulaani allannguutit taagorneqartut aqutsisut nalunaarutaanni ilanggussimavaat.

2.2.3. Nioqquissat toqqorsivimiittut

Ulloq 31.12.2017 nioqquissat toqqorsivimiittut ingerlatsivimmi sulisunit namminneq kisinneqarput. Kingorna nioqquissanik toqqorsiveqarfik Kangerluassuarmi tikillugu, uppermarsaatit tigusiffigisarlugit misissuivugut.

Nioqquissat toqqorsivinniittut nalilerneqarnerisa uppermarsaataat tigusiffigisarlugit kukkunersi-orpavut, taakkununnga ilanngullugit pisoqalisoortut.

Pisoqalisoornernut taasarialimmik nuussisoqarsimavoq nioqquissap normuanut immikkut erseq-qissaatitaqarluni. Nioqquissat assigiinngitsukkuartaartut atorneqarunnaarsimasut naleqanngitsutut ilanngunneqarsimapput. Naliliivugut nioqquissat pisoqalisoortut assigisaallu nalingisa matussutissaannik naammattumik immikkoortitsisoqarsimasoq.

2.2.4. Tunisinernit kiffartuussinernillu pissat

Akiitsullit akiliinngitsugaannut katillugit 11.5570 t.kr.-it illuartinneqarsimapput (2016-im 10.843 t.kr.-it). Nalikillilineqartut 9.605 t.kr.-itut agguataarneqarput, tassaallultik ETOP-inik akiligassallit annaasaqaataanerat aamma akiligassalinnit allanit 1.965 t.kr.-it.

ETOP-inik akiitsulinnut tunngatillugu aqutsisut 2017-im 1 akileeqqusissutinik nutaanik pitsaanerusunillu atulersitsipput. Tamassuma nassataanik akiliutit 4.586 t.kr.-inik nalillit pissarsiarineqarput, ukiut siuliini annaasatut illuartinneqarsimasut. Taamaattumik illuartitat uterteqqinneqarput. Tamanna aamma isumaqarpoq annaasatut illuartitat, ukioq manna akiitsullit katinnerini ukiunut siuliinut naleqqiullugit ikinnerusussaasut.

Annaasaqarsinnaanermut matusisinnajaumalluni pisortanit annaasanut illuartitsineq ingerlan-neqarsimasoq isumaqatigaarput.

3. Paasissutissat allat

3.1 Aqutsisut naatsorsuutinut nalunaarutaat kiisalu naatsorsuutini kukkunerit iluarsineqanngitsut

Suliassaqarfinnut kukkunersioruminaatsunik kukkunersiuinermut atatillugu ukioq naatsorsuuseriffiusoq 2017 pillugu, qullersaqarfik uagutsinnut naatsorsuutit pillugit uppernarsaammik saqqummiussipput.

Ilanngullugu aqutsisut uppernarsarpaat, kukkunerit tulliuttut kukkunersiuinermi aaqqinneqarsimann-gitsut – taakkua ataatsimoorlutik imaluunniit ataasiakkaarlutik ukiumut naatsorsuutinut malunaa-teqanngitsutut nalileqartut tassasut:

	Resultat- opgørelse t.kr.	Aktiver t.kr.	Gæld t.kr.	Egen- kapital t.kr.
Kukkunerit aaqqinneqanngitsut				
Akissarsiat nalleqatigiissinneranni nikingassut	<u>789</u>	_____	<u>-789</u>	<u>789</u>
Kukkunerit aaqqinneqanngitsut katillugit	<u>789</u>	_____	<u>-789</u>	<u>789</u>
Ukiup naanerani nammineq aningasaatinut katinnerani sunniutaat. Angusanut sunniutit ilanngullugit				<u>789</u>
Ukumi naatsorsuutit kukkunersiukkat naapertorlugit kisitsisit pingarnerit	<u>-37.732</u>	<u>1.508.060</u>	<u>134.579</u>	<u>1.373.481</u>
Kukkunerit aaqqinneqarpata Kisitsisit pingarnerit	<u>-36.943</u>	<u>1.508.060</u>	<u>133.790</u>	<u>1.374.270</u>

3.2 Naatsorsuuserinermik inatsimmik malinninneq

Kukkunersiuinermi maluginiarparput ingerlatsivimmit suliassaqarfinni pingaarutillinni tamaginni naatsorsuuerinermik inatsit malinneqartoq.

3.3 Rådgivnings- og assistanceopgaver

5. maj 2017 kukkunersiusut oqaaseqaataannik tunniussinita kingorna ingerlatsivik sinnerlugu makkunannga suliaqarpugut:

- Sanaartukkat allattorsimaffianik malinnaatitsinermik ulloq 31.12.2017.

- Agguataarinerit pillugit naatsorsutit kukkunersiorneri
- Akissarsiat naligiissinneqarnerat
- Pisortanik naatsorsuusiornermullu ikuunnerit allat

4. Kukkunersiuinermik ingerlanneqartumik naliliineq

4.1 Kukkunersiuinermik ingerlanneqartumik naliliineq

Ukiut naatsorsuutit kukkunersiusutut nangaassuteqarluta uppernarsarpavut Kangerlussuarmi mittarfimmut il.il. nalilerneqarnerannut tunngassuteqartumik, taamaattoq paasissutissanik ilangussanik ilalernagit.

Ukiup naammassinerani kukkunersiuinermik ingerlatsinitsinni oqaaseqaatit erseqqissakkat ingerlatsivimmi pisortanut ingerlaavartumik nalunaarutigineqartarsimapput.

5. Kukkunersiuinerup siunertaa annertussusia aamma akisussaaffiit agguataarnerat

Ulloq 5. maj 2017 oqaaseqaatitsinni kukkunersiuinerup siunertaa, annertussusia aamma ingerlanneqarnera, kukkunersiusut nalunaaruteqartarnerat kiisalu aqutsisut aamma kukkunersiusut akornanni akisussaaffiup agguataarsimanera allaaserineqarput. Taanna innersuussutigaarput.

6. Uppernarsaaneq


Inatsisit naapertorlugit nalunaarutigissavarput, inatsit malillugu kinaassusersiortuunnginnissamut piumasaqaat naammassineqarsimammat kiisalu kukkunersiunermik ingerlatsinitsinni paasissutissat qinnutigisavut tamaasa pissarsiarisarsimagatsigik.

Nuuk, ulloq 8. juni 2018

Deloitte
Statsautoriseret Revisionspartnerselskab


Bo Colbe
kukkunersiusoq naalagaaffimmit akuerisaasoq

Atuutilersut


Ruth Lindhardt
Naalakkersuisoqarfimmi pisortaq
Kommunimut, Nunaqarfinnut,
Isorliunerusunut, Attaveqatigiinnermut
Ineqarnermullu Naalakkersuisoqarfik


Marie Fleischer
Pisortaq